


BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
---	--	--

UPRAVA POLICIJE

Broj: 05-04/06-11-1155/22/RS

Datum: 07.12.2022. godine

Na osnovu člana 93. stav (7), člana 103. stav (1) tačka a), člana 104. i 111. stav (1) tačka d) Zakona o javnim nabavkama („Službeni glasnik BiH“, broj 39/14) i člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj 13/16 i 16/17) u postupku javne nabavke roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu, načelnik Sektora kriminalističke policije Uprave policije MUP USK-a **d o n o s i**:

ODLUKU
o poništenju postupka javne nabavke

Član 1.

Poništava se Odluka o usvajanju žalbe broj: 05-04/06-11-1155/22/RS od 24.10.2022. godine, Tenderska dokumentacija zajedno sa Obavještenjem o nabavci broj: 20936-1-1-72-3-28/22 od 08.09.2022. godine kao i svi akti doneseni u postupku javne nabavke roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu. Predmetni postupak javne nabavke će se ponovo pokrenuti donošenjem nove odluke o pokretanju postupka.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama BiH i to elektronskim sredstvom (e-mailom).

Član 3.

Ovom odlukom stavlja se van snage Odluka o izboru najpovoljnijeg ponuđača broj: 05-04/06-11-1155/22/RS od 05.10.2022. godine i Odluka o usvajanju žalbe broj: 05-04/06-11-1155/22/RS od 24.10.2022. godine.

Član 4.

Ova odluka će se objaviti na web stranici: mupusk@mupusk.gov.ba istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

O b r a z l o ž e n j e

Postupak javne nabavke pokrenut je posebnom odlukom o pokretanju postupka javne nabavke broj: 05-04/06-11-1155/22/RS od 30.08.2022. godine.

Javna nabavka je provedena primjenom otvorenog postupka za dostavu ponuda. Kriterij za dodjelu ugovora je najniža cijena sa namjerom provođenja e-aukcije.

Ukupna procijenjena vrijednost javne nabavke bez PDV-a za sve LOT- ove iznosi do 145.000,00 KM (slovima: stotinučetdesetpethiljada i 00/100 KM).

Nabavka je podijeljena na 3 (tri) LOT-a i to:

LOT 1 – Rezervni dijelovi za službena motorna vozila, procijenjena vrijednost iznosi do 100.000,00 KM bez PDV-a,

LOT 2 - Motorno ulje, sijalice i drugi potrošni materijal, procijenjena vrijednost iznosi do 35.000,00 KM bez PDV-a,

LOT 3 - Akumulatori, procijenjena vrijednost iznosi do 10.000,00 KM bez PDV-a.

Obavještenje o nabavci broj: 20936-1-1-72-3-28/22 objavljeno je dana 08.09.2022. godine na Portalu javnih nabavki.

Krajnji rok za prijem ponuda bio je 28.09.2022. godine do 12:00 sati.

Komisija za javne nabavke Uprave policije MUP USK-a je utvrdila da su u predmetnom postupku blagovremeno primljene 2 (dvije) prihvatljive ponude za LOT 1, LOT 2 i LOT 3 i to ponude ponuđača „AUTOELEKTRA“ d.o.o. Sarajevo i „MEŠAN“ d.o.o. Bihać.

Na osnovu Zapisnika sa preporukom Ugovorni organ je donio odluku o izboru najpovoljnijeg ponuđača broj: 05-04/06-11-1155/22/RS od 05.10.2022. godine kojom dodjeljuje okvirni sporazum/ugovor ponuđaču „MEŠAN“ d.o.o. Bihać za LOT 1, LOT 2 i LOT 3.

Dana 06.10.2022. godine, svim ponuđačima koji su učestvovali u postupku nabavke, dostavljeno je Obavještenje o rezultatu postupka javne nabavke sa Odlukom o izboru najpovoljnijeg ponuđača.

Nakon dostavljanja obavještenja ponuđačima, ponuđač „AUTOELEKTRA“ d.o.o. Sarajevo je zatražio uvid u ponude izabranog ponuđača „MEŠAN“ d.o.o. Bihać. Nakon uvida u ponude, obavljenog dana 12.10.2022. godine, ponuđač „AUTOELEKTRA“ d.o.o. Sarajevo je uložio žalbu 16.10.2022. godine, koja je zaprimljena u Ugovornom organu dana 18.10.2022. godine.

Ugovorni organ donosi Odluku o usvajanju žalbe broj: 05-04/06-11-1155/22/RS od 24.10.2022. godine kojom se poništava Odluka o izboru najpovoljnijeg ponuđača i dodjeli ugovora broj: 05-04/06-11-1155/22/RS od 05.10.2022. godine i donosi novu odluku o izboru najpovoljnijeg ponuđača za nabavku roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu kojom se okvirni sporazum/ugovor dodjeljuje ponuđaču „AUTOELEKTRA“ d.o.o. Sarajevo, i to za:

1. **LOT 1 (rezervni dijelovi)** za ponuđenu ukupnu cijenu u iznosu od **299.801,00 KM** (slovima: dvjestotinedevedesetdevethiljadaosamstojedan i 00/100 KM) bez obračunatog PDV-a,
2. **LOT 2 (motorno ulje, sijalice i dr. potrošni materijal)** za ponuđenu ukupnu cijenu u iznosu od **106.924,00 KM** (slovima: stotinušestihiljadadevstodvadesetčetiri i 00/100 KM) bez obračunatog PDV-a i
3. **LOT 3 (akumulatori)** za ponuđenu ukupnu cijenu u iznosu od **1.980,00 KM** (slovima: hiljadudevetstoosamdeset i 00/100 KM) bez obračunatog PDV-a.

Dana 01.11.2022. godine u pisarnici Ugovornog organa zaprimljena je žalba ponuđača „MEŠAN“ d.o.o. Bihać na Odluku o usvajanju žalbe broj: 05-04/06-11-1155/22/RS od 24.10.2022. godine, te je Ugovorni organ žalbu zaprimio kao blagovremenu, izjavljenu od ovlaštene osobe i dopuštenu.

Zbog neusvajanja žalbenih navoda žalitelja „MEŠAN“ d.o.o. Bihać, Ugovorni organ je kompletan spis predmeta uputio Uredu za razmatranje žalbi BiH na nadležno postupanje.

Ured za razmatranje žalbi je rješenjem broj: JN2-03-07-1-3132-8/22 od 01.12.2022. godine usvojio žalbu ponuđača „Mešan“ d.o.o. Bihać i poništio član 3. dispozitiva Odluke o usvajanju žalbe broj: 05-04/06-11-1155/22/RS od 24.10.2022. godine, te predmet vratio Ugovornom organu na ponovni postupak.

U svome obrazloženju Ured za razmatranje žalbi BiH, između ostalog, navodi slijedeće:

„Kako ugovorni organ članom 3. dispozitiva pobijane Odluke o usvajanju žalbe okvirni sporazum/ugovor dodjeljuje ponuđaču Autoelektra d.o.o. Sarajevo za ponuđenu ukupnu cijenu u iznosu od 299.801,00 KM bez PDV-a za LOT 1, 106.924,00 KM bez PDV-a za LOT 2 i 1.980,00 KM bez PDV-a za LOT 3, što ukupno za sva tri lota iznosi 408.705,00 KM bez PDV-a, odnosno za lotove 1. i 2. iznosi 406.725,00 KM bez PDV-a, a nema mogućnost preraspodjele sredstava između lotova, jer je samo za lotove 1. i 2. premašena ukupna procijenjena vrijednost nabavke, dok neutrošeni iznos koji je preostao od lota 3. nije dovoljan da nadomjesti nedostajući iznos jer je preostalo 8.020,00 KM bez PDV-a, a nedostaje iznos od 271.725,00 KM bez PDV-a, nespornim se zaključuje da je ugovorni organ članom 3. dispozitiva Odluke o usvajanju žalbe postupio suprotno osnovnim načelima Zakona o javnim nabavkama, tačnije suprotno načelu najefikasnijeg korištenja javnih sredstava, pri čemu ovaj organ napominje da nije od uticaja na drugačije rješenje stvari činjenica da ugovorni organ u pobijanoj odluci nije naveo da će se okvirni sporazum/ugovor sa izabranim ponuđačem zaključiti na iznos dostavljenih ponuda za svaki lot, već će se okvirni sporazum/ugovor sa izabranim ponuđačem zaključiti na iznos procijenjene vrijednosti za svaki pojedini lot, s obzirom na nespornu činjenicu da je ugovorni organ utvrdio maksimalni iznos sredstavakoje će utrošiti (lot 1 do 10.000,00 KM bez PDV-a, lot 2 do 35.000,00 KM bez PDV-a, lot 3 do 10.000,00 KM bez PDV-a) i da će ugovorni organ po ponuđenim jediničnim cijenama bez PDV-a za ukupni maksimalni iznos koji je osigurao za ovu javnu nabavku (do 145.000,00 KM bez PDV-a) u konačnici nabaviti manju količinu tražene robe za lot 1 i lot 2, a što je u

suprotnosti sa najefikasnijim korištenjem javnih sredstava, odnosno u suprotnosti sa članom 3. Zakona o javnim nabavkama koji propisuje da je ugovorni organ dužan da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da obezbijedi pravednu i aktivnu konkurenciju, s ciljem najefikasnijeg korištenja javnih sredstava, u vezi sa predmetom nabavke i njegovom svrhom. Stoga se navod žalitelja smatra osnovanim, zbog čega se žalba usvaja, poništava član 3. dispozitiva pobijane Odluke o usvajanju žalbe broj: 05-04/06-11-1155/22/RS od 24.10.2022. godine, te se predmet vraća ugovornom organu na ponovni postupak u kojem će postupiti po stavovima ovog organa iznesenim u ovom rješenju i donijeti novu odluku u skladu sa Zakonom o javnim nabavkama.“

Shodno navedenom, a poštujući proceduru propisanu Zakonom o javnim nabavkama BiH, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema odluke. Žalba se izjavljuje Uredu za razmatranje žalbi Bosne i Hercegovine, putem Ugovornog organa u pisanoj formi direktno ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču: AUTOELEKTRA D.O.O., putem e-maila: aesa@bih.net.ba

2. Ponuđaču: MEŠAN D.O.O., putem e-maila: adism72@bih.net.ba

3. Sektor za mat. - fin. poslove i IKT – za objavu

4. a/a


NAČELNIK SEKTORA
KRIMINALISTIČKE POLICIJE
samostalni inspektor

Jusuf Mešić

